



太平御覽



太平御覽卷第九百七十一

果部八

柿

橙

林檎

檳

枇杷

檳榔

豆寇

胡桃

荔枝

柿

義熙起居注曰二年正月吳令顧修其上言西鄉有柿樹

殊本台修依舊集賀詔停之

晉宮闕名曰徽章殿前柿一株

廣志曰柿有小者如杏

王逸荔枝賦曰宛中朱柿

潘岳閑居賦曰張公大谷之梨梁侯烏桺之柿  
王真洛都賦曰豹祠赤杏胡並丹柿并液滋脆不經牙齒  
李尤七款曰鴻柿若瓜  
劉義啓事記曰勅旨垂賜華林園柿出日神苑滋味殊絕  
也

橙

說文曰橙橘屬也

東觀漢記曰建武中南單于來朝賜御食及橙橘龍眼荔枝

晉令曰諸官有秩者守護橙者置吏一人  
淮南子曰夫橘樹之江北化爲橙

風俗通曰橙皮可爲醬齏

博物志曰成都廣都郫繁江原臨邛六縣生金橙似橘而非若柚芬香夏秋冬或華或實大如桃小者或如彈丸或有年春夏秋冬華實竟歲

廣志曰有給客橙自夏至冬且花且實

風土記曰橙柚屬也而葉正圓

異苑曰南康歸美山石城內有橙就食其實任意取足持歸家人啖輒病或顛仆失徑

庾仲初楊都賦曰菓則黃井朱橙

胡道安井賦曰襄陰大橙江陽巨橘

林檎



廣志曰黑檜似赤柰

劉禎京記曰園林多檜

述征記曰林檜果實可佳其榦勃實微大其狀醜其味香  
輔閔有之江淮南少

晉宮闕記曰華林園有林檜十二株榦勃六實  
左思蜀都賦曰林檜枇杷橙柿棊棊

謝靈運山居賦曰枇杷林檜帶谷暎渚

枰

廣州記曰荔枝壺銅南珍之上菱蓮枰柿為其次

地理記曰梁侯園有烏枰八稜大如酒盞

荊州地土記曰宜都出大枰

范汪祠制曰孟冬祭用柿枰

晉宮闕名曰華林園枰子二株

異苑曰傅亮求初中為護軍冗珍住府西齊忽見北窓外  
枰樹下物而廣三尺狀若方相久乃自滅

常耀靈陽武賦曰井薜枰柿榛栗木瓜

潘安仁閑居賦曰梁侯烏枰之柿

謝靈運山居賦曰枰柿被實於長浦

潘岳金谷詩曰前庭樹沙井後園植烏枰

魏武帝為兖州牧上書曰謹上枰棗二箱

枇杷

范汪何制曰孟夏祭用枇杷

唐書曰建中元年詔山南之枇杷江南之甘橘藕歲爲次第真者取一次以供廟饗餘皆罷

晉宮閣名曰華林園枇杷四株

風土記曰枇杷葉似栗子似杏小而叢生四月熟

南中八郡志曰南安縣出好枇杷

唐州記曰枇杷若榴叅乎京都

華山記曰華山講堂西頭有枇杷園

荊州記曰宜都出大枇杷

廣志曰枇杷冬華實大如鷄子小者如杏味甜酸四月熟出健爲

仲長統昌言曰今人主不思甘醴醴泉涌而患枇杷荔枝

之腐亦鄙矣

王彪之閩中賦曰果則烏桺朱柿扶餘枇杷

周祗枇杷賦曰昔魯季孫有嘉樹歸宣子譽之屈原離騷

亦著橘賦至於枇杷寒暑無變負雪揚華余植之庭圃遂

賦之云名同音器質異貞松四序一采素華冬馥

曹植樂府歌曰橙橘枇杷甘蔗代出

謝靈運十濟曰朝食旣畢摘菓堂陰春惟枇杷夏則林檎

### 檳榔

吳錄地理志曰交趾朱載縣有檳榔樹直無枝條高六七丈葉大如蓮實房得古賁灰扶留藤食之則柔而美郡內及九真日南並有之



宋書曰劉穆之少時家貧誕肆嗜酒食不修拘檢好往妻兄弟乞食多見辱不以為耻其妻江嗣女甚明識每禁不令往江氏后有慶會屬勿來穆之猶往食畢求檳榔江氏兄弟戲之曰檳榔消食君乃嘗饑何忍須此妻復截髮市肴饌為其兄弟以餉穆之自此不對穆之梳沐穆及之為丹陽尹將召妻兄妻兄往而稽顙以致謝穆之曰本不匿怨無所致憂及至醉穆之乃令厨人以金拌貯檳榔一斛以進之

齊書曰任昉父遙本性重檳榔以為常餌臨終嘗求之不得好者昉亦所嗜好深以為恨遂終身不嘗檳榔

梁書曰干陀利國在南海洲上其俗與林邑扶南略同出

班布古具檳榔匕匕特精為諸國之極

三國典略曰齊命通直散騎常侍辛德源聘於陳陳遣書各蔡佞宴酬因談謔手弄檳榔乃曰頃聞北間有人為噉檳榔獲罪人間遂禁此物足尔不德源答曰此是天保初王尚書罪狀醉耳猶如李固被責云胡粉飾貌搔頭弄姿不聞漢世頓禁胡粉

金樽子口有寄檳榔與家人者題為合字蓋一人口也

風俗記曰王高年四十五時四月八日在鼓城佛寺中謝澁見而以檳榔贈之王執手謂曰王即謝叔源可與周施否

南中八郡志曰檳榔大如棗色青似蓮子彼人以為異

婚姻好容輒先進此物若邂逅不設用相嫌恨

林邑記曰檳榔樹大圍丈餘高十餘丈皮似青桐節如桂竹下本不大上末不小調直停停千萬若一木秀無柯端頂有葉葉比蕉條派開破仰望沙沙如彈棗蕉於竹杪風至搖動似舉羽扇之掃天葉下繫數房房綴十數子家有數百樹雲踈如墜繩也

廣州記曰嶺外檳榔小如交趾而大如蒟子土人亦呼爲檳榔

廣志曰木實曰檳榔樹無枝略如柱其顛五六尺間遂如黍黍實大如桃李生棘針重疊其下剥其皮煮其肉實而貫之堅如乾束食后啖之滑美消穀下氣彼方珍之以爲

口實亦出交趾

南方草物狀曰檳榔樹三月開花仍連著實大如鷄卵十一月熟

雲南記曰雲南有大腹檳榔在枝朶上色猶青每一朶有三二百顆又有剖之爲四片者以竹串穿之陰乾則可又停其青者亦剖之爲一片青葉及蛤粉卷和嚼嚙其汁即似減澁味雲南每食訖則下之

又曰雲南多生大腹檳榔色青猶在枝葉上每朶數百顆云是弥臣國來

又曰雲南有檳榔花糝極美

又曰平琴州有檳榔五月熟似海螺殼燒作灰名爲奔蛤



灰共扶留藤葉和而嚼之香美

羅浮山疏曰山檳榔一名蒟子幹似蔗葉類祚一聚十余幹每幹生十房房底數百子四月采樹似栟櫨生日南者與檳榔同狀五月子熟長寸餘

楊銜之洛陽伽藍記曰南方歌樂國取爲強大民戶殷多山明珠金玉及水精珍異饒檳榔

異物志曰檳榔若筍竹生竿種之精硬引莖直上末五六尺間洪洪腫起若鹿木焉因折裂出若黍拔無華而爲實大如桃李又生棘針重累其下以禦衛其實剖其上皮空其膚熟而實之硬如乾棗以扶留藤古賁灰并食下氣及宿食消穀飲食設以爲口實

嶺表錄異曰檳榔交廣生者非舶檳榔皆大腹子也彼中悉呼爲檳榔交趾豪士皆家園植之其樹莖葉根幹與栟榔椰子小異也安南人自嫩及老抹貫啖之以不婁藤蕪之屋用灰並咀嚼之自云交州地温不食此無以祛其瘴厲廣州亦噉檳榔然不甚於安南也府郭內亦無檳榔樹

周成雜字曰檳榔果也似螺可食

李當之藥錄曰檳榔一名賓門

左思吳都賦曰檳榔無柯椰葉無陰

劉淵林吳都賦曰檳榔尚六七丈正直無枝葉從心生其實作房從心中一房數百實如雞子外有殼肉滿殼中正

白味若澁得扶苗藤與古貴灰食則柔滑而美矣  
俞益期與韓康伯曰檳榔信南遊之可觀予既非乎常  
木灸特寄云温交州時度之大者三圍高者九丈其擢穗  
似禾其綴實似殼其皮似桐而厚其節似竹而概其中空  
其外勁其屈如覆虹其申如縋繩步其林則寥廓庇其蔭  
則蕭條信可以長吟可以遠想矣性不柰霜不得比植必  
當遐樹海南遼然萬里不遇長者自今恨深

劉義恭啓事曰奉勅交州所獻檳榔味殊常品塗遠蒟醬  
九真蠻獠曰九真獠欲婚光以檳榔子一函請女女食與  
即婚

### 豆寇

劉欣期交州記曰豆寇似杭樹味辛堪綜合檳榔嚼治斷  
齒

環氏吳地記曰黃初三年魏未求豆寇

南方草物狀曰漏榮樹子大如李實二月華七月熟出與  
左思吳都賦曰草則藿藟豆寇

### 胡桃

晉宮閣名曰華林園胡桃八十四株

廣志曰陳倉胡桃皮薄多飢陰平胡桃大而皮脆急捉則  
破

西京雜記曰上林苑有胡桃

吳時外國志曰大秦有囊棕胡桃



博物志曰張騫使西域返得胡桃

廣五行記曰后蜀李雄王衡十二年拔風人韓豹爲太史令雄卒子期立以豹爲太傅猶領候駝豹嘗言於期曰臣今老志在田園欲植胡桃願賜其種期不悟俄而李壽自涪率衆南向襲就成都廢期自立

嶺表錄異曰山胡桃皮厚而堅大於北府底平如檳榔多肉少穰亦與北中者相似以斧槌之方破或取之自底磨平以爲印子其隔屈曲頭篆文也

馬融西第頌公胡桃自零

潘岳閑居賦曰三桃表櫻桃之別

孔融與諸鄉書曰先日多惠胡桃多知篤意

劉涓母答虞吳國書曰咸和中避蘇峻亂於臨安山吳國遣使餉饋乃答書曰此果有胡桃飛穰飛穰出自南州胡桃本生西羌外國外剛內柔質以賢欲以奉貢

### 荔枝

東觀漢記曰單于來朝賜橙橘龍眼荔枝

謝承后漢書曰汝南唐羌爲臨武縣長接交州舊獻荔枝  
羗上書乃諫止

魏文帝詔群臣曰南方有龍眼荔枝寧比西國蒲陶石蜜乎今以荔枝賜將吏啖之則知其味薄矣

吳錄曰蒼梧多荔枝生中山人家亦有種之

唐書曰楊貴妃生於蜀好荔枝支海南荔枝勝蜀者故每歲

飛馳以進然方暑而熟經宿輒敗

又曰白居易爲忠州刺史在郡爲木蓮荔枝圖寄朝中親友各記其狀曰荔枝生巴峽間形圖如帷蓋葉如桂冬青華如橘春榮實如丹夏熟朶如蒲萄核如枇杷殼如紅繒膜如紫絹瓤肉瑩白如冰雪醬液并酸如醋如酪大抵如此其實若維本枝一日而色變二日而香變三日而味變四五日外色香味盡去矣

廣志曰荔枝高五六丈如桂樹綠葉蓬蓬然冬夏鬱茂青華朱實實大如鷄子核黃黑似熟蓮子實白如肪并而多汁似安石榴有甜味夏至日將已時翕然赤則可食也一樹下萬斛犍爲燻道南荔枝熟時百鳥肥其名之曰焦核

小次曰春花次曰朝陽此三種爲美次醜如灰而酸以爲醢和率生稻田間

又曰荔枝帶橘南珍之上

西京雜記曰南越王尉佗獻高祖鮫魚荔枝高祖報以補桃錦四疋

竺法真登羅山疏曰荔枝冬青夏至日子始赤六七日可食其酸宜人其細核者謂之蕉核荔枝之寂珍也

異物志曰荔枝爲異多汁味甘絕口又小酸所以成其味可飽食不可使厭生時大如鷄子其膚光澤皮中食乾則醜小則肌核不如生時音四月始熟也

嶺表錄異曰荔枝南中之珍果也梧州江前有火山上有



荔枝四月先熟以其地熟核大而味酸其高新州與南海  
產者最佳五六月方熟形若小鷄子近蒂稍平皮殼微紅  
肉瑩寒王又有焦核者性熟液甘食之過度即密漿制之  
又有蠟荔枝黃色味稍劣於紅者

席州記云每歲進荔枝郵傳者疲斃於道漢朝下詔止之  
今猶修事荔枝煎進焉其樹自經尺至于合抱葉蜜如冬  
青木性堅重其根工人多取為阮咸槽彈弓碁局

仲長統昌言今人主不思神芝朱草而患枇杷荔枝之腐  
亦鄙甚矣

王逸荔枝賦曰乃觀荔枝之樹其形色煖若朝雲之興森  
如橫天之簞角亢興而靈華敷大火中而朱實繁灼灼若

朝霞之吐日離七如繁星之着天

劉淵吳郡注曰荔枝樹生山中葉綠色實正赤肉肥肌正  
白味美

左思蜀都賦曰傍拊龍目側生荔枝布綠華之萋萋結朱  
實之離離

太平御覽卷第九百七十一終

太平御覽卷第九百七十二

果木部九

蒲萄

橄欖

柳

楊梅

沙棠

枸椽

益智

楠子

榘

萄蒲

史記曰大宛以蒲萄為酒富人藏酒至萬餘石久者數十  
歲不敗漢使取其實來於是離宮別觀傍盡種蒲萄

漢書曰李廣利為二師將軍破大宛得蒲萄歸漢

續漢書曰扶風孟以蒲萄酒一斛遺張讓即以為涼州

刺史



魏文帝詔群臣曰中國珍果甚多且復為說蒲萄嘗奇味  
夏涉秋尚有餘暑醉酒宿醒掩露而食其而不銷脆而不  
酸冷而不寒味長汁多除煩解飢又以為酒其於麴蘖善  
醉而易醒道之固以流涎咽唾况親食之即遠方之果寧  
有疋者乎

崔鴻十六國春秋前凉錄曰張賦文字洪茂燉煌人也作  
蒲萄酒賦文致甚美

又后凉錄曰建元二十年呂光入龜茲城胡人奢侈富於  
生養家有蒲萄酒或至千斛經十年不敗

北齊書曰李元忠曾貢世宗蒲萄一盤世宗報以百疋練  
纁遺其書曰儀同位亞台鉉識懷貞素出藩人侍備經要

重而酒家無檐石室若懸磬豈惟輕財重義奉時愛已也  
久相嘉尚嗟詠無極恒思標賞有意無由忽辱蒲萄良深  
佩戴聊用絹百疋以酬清德

唐書曰高祖賜群臣食於御前果有蒲萄侍中陳叔達執  
而不食高祖問其故對曰臣母患口乾求之不能得高祖  
曰卿有母可遺乎遂流涕嗚咽久之乃止因賜物百段又  
曰蒲萄酒西域有之前代或有貢獻人皆不識及破高昌  
牧馬乳萄桃實於苑中種之并得其酒法太宗自與益造  
酒為凡有八色芳辛苦烈味蒸醞益既頒賜群臣京師始  
識其味

又曰太宗時葉護獻馬乳蒲萄一房長二丈餘子赤稍大

其色紫

又曰李直方常第里實若真士者以綠李為首芳梨為副櫻桃為三其橘為四蒲萄為五或薦荔支曰寄牽之首也又曰劉賓在宓嶺南喻縣度金熱以其地暑溽人皆乘馬土宜杭稻多其蔗蒲萄草木凌寒不死

金樓子曰大月氏國善為蒲萄花藥酒或以根及汁溫之其花似香而綠榮碧鬚夏春之時萬頃競發如鸞翼八月

中風至吹葉上傷裂有似綾紈故人呼風為蒲萄風亦名為裂葉風

淳武帝內傳曰西王母常下帝獻蒲萄酒

杜篤還論曰漢徑匈奴取其胡麻稗麥首蓿蒲亦廣地也

廣志曰蒲桃有黃黑白三種

雲南記曰雲南多乾蒲桃

楊銜之洛陽伽藍記曰白馬寺浮圖前茶林蒲桃異於餘處枝葉繁衍子實甚大茶林實重七斤蒲萄實偉於棗味並殊美冠於中京帝至熟時嘗詣取之或復賜官人得之轉餉親戚以為奇異得者不敢輒食乃歷數家京師語曰白馬甜榴一實直牛

唐景龍文管記曰四月上巳日上幸司農少卿王光軸庄駕返頓后中書侍郎南陽岑義設茗飲蒲萄漿與學士等討論經史

又曰大學士李嶠入東都祔廟學士等祖送城東上令中



官賜御饌及葡萄酒

博物志曰西域有葡萄酒積年不敗彼俗傳云可至十年飲之醉彌日不解

又曰張騫使西域返得葡萄

晉宮閣名曰華林園葡萄百七十八十株

秦州記曰秦野多葡萄

本草經曰葡萄生五原隴西燉煌益氣強志令人肥健延年輕身

王逸荔枝賦曰西旅獻崑山之蒲桃

鍾會葡萄賦曰余植蒲桃於堂前嘉而賦之命筍最病作應禎蒲桃賦曰結繁子之礪落弓英寵總而彌房

傳玄蒲桃賦曰踰龍堆之險越懸度之阻涉乎三光之阪歷乎身熱之野

橄欖

金樓子曰有樹名獨分爲二株其東向一枝是水威樹南向一枝橄欖樹

南越志曰博羅縣有合成樹十圍去地二丈分爲三衢東向一衢木葉似練子如橄欖而硬削去皮南人以爲糝南向一株橄欖西向一衢橄欖

裴淵廣州記曰橄欖澁酒

廣志曰橄欖大如雞子交趾以飲酒

南州草木狀曰橄欖子大如棗二月華八九月熟生食味

酸蜜藏乃甜美交趾武平興古九真植之

臨海異物志曰餘甘子梭形初入口舌澁酸飲水乃甘又  
如梅實核兩頭銳呼為餘甘橄欖同一物異名耳

嶺表錄曰橄欖樹身聳枝皆高數尺其子深秋方熟閩中

尤重味云咀之香口勝含雞舌香飲悉解酒毒有野生者

子繁樹峻不可梯緣但刻其根下方寸許內燒於其中一

夕子皆自落樹枝節上生脂膏如桃膠南人採之和其皮

柴煎之調如黑錫謂之橄欖糖用泥船損乾后堅於膠漆

着水益乾耳

左思吳都賦曰龍眼橄欖

影

隋書曰林邑國人深目高鼻髮拳色黑倍皆徒跣以幅布

纏身冬月衣袍婦人推髻施柳葉簾

唐書曰訶陵國俗以椰樹花為酒其樹生花長二尺余實

大如人脰割之取汁以成酒味甘飲之亦醉

南夷志曰荔支檳榔訶黎勤椰子等諸樹末昌麗水諸山

皆有之

雲南記曰南詔遣使致南國諸果有椰子狀如大牛心

破一重麤皮刮盡又有一重硬殼有小孔以筋穿之內有

漿二合餘味甘色白

又曰雲南多椰子亦以蜜漬之為糝

廣志曰椰樹高六七丈無枝條有葉如束蒲乃在樹末實



如大瓠瓜懸在樹頭實外有皮中有核皮裏有汁升余清如水美如蜜可飲核中膚白如雪厚半寸味如胡桃而美可食出交趾家種之

南方草木狀曰椰二月花花仍連着實房七連相累房三十或二十七八子十一月十二月熟其樹黃俗名爲州破之可作椀長如栝樓子

交州記曰椰子有漿截花以竹筩承取汁作酒飲之亦美神異經曰東南荒中有椰木椰高二三丈或十餘丈圍丈余或七八尺葉二百歲盡落而華七如井瓜華七盡落而生萼下生子三歲而熟熟后不長不減形如寒瓜長七八

寸徑四五寸

南州異物志曰椰樹大三四圍長六七丈通身無枝至百余年有葉七狀如蒲長四五尺直踈指天實生葉間皮荷之如蓮狀皮肉硬過於中肉白如鷄子着皮而腹內空含汁大者含升余實形團七然或如栝樓橫破之可爲爵並堪噐用南人珍之

異物志曰椰樹高六七丈無枝條葉如束蒲在上其實如輒繫之顛實外如皮胡桃蘆膚中汁升余清如水味美於蜜食其膚則不飢食其汁則增渴又有如兩眼處俗號椰子爲越王頭

嶺表錄異曰椰子樹亦類海梭號椰子大如甌孟外有粗皮如火腹次有硬殼圓而且堅厚二三分有圓如外者即

截開一頭砂石摩之去其皺皮其爛斑錦文以白金漿之  
以爲水罐子珍奇可愛殼中有液數合如乳亦可飲之冷  
而動氣

左思吳都賦曰椰葉無陰

俞益期戕曰有清漿數斗懸於長木之端終不乾故爲小  
異

### 楊梅

金樓子曰梅周年七歲甚聰慧孔君平詰其父父不在乃  
呼兒出爲設果有楊梅孔公指以示鬼曰此真君家果兒  
應聲荅曰未聞孔雀是夫子家禽

博物志曰地有名章則生楊梅

南越志曰熙安縣白蜀里多楊梅張公以爲名章則多楊  
梅此偶以所聞而命書后好事改地就之耳求白蜀去之  
遠矣

裴淵廣州記曰廬山頂有湖楊梅繞其際人登者止得於  
山飽食不得持下

吳興記曰故章縣縣北有石榔山出楊梅常以貢御張華  
所謂地有名章必生楊梅蓋此謂也

食經曰藏楊梅法取完者一斛鹽漬之曝乾別取杭皮二  
斤煮汁鹽漬之不加梅色如初美好可留數月

臨海異物志曰楊梅其子如彈丸正赤月中熟熟時似梅  
味甘甜酸



梁江淹楊梅頌曰懷藥挺實橙黃橘丹鏡曰繡壑照霞綺巒

### 沙棠

山海經曰崑崙之山有不馬狀如棠七梨黃華赤實味如李而無核名曰沙棠可以却水

呂氏春秋曰伊尹說曰果之美者沙棠之實

南越志曰寧鄉果多沙棠

竺法真登羅浮山疏曰羅浮有沙棠華黃赤實味甘如李

### 枸橼

裴淵廣州記曰枸橼如柚核細

異物志曰枸橼實大橘如皮有香味不美可以浣治葛紵

### 若酸漿

劉欣期交州記曰枸橼樹似橘如柚大而俗其味奇酸皮以蜜煮為糝

嶺表錄異曰枸橼子形如瓜皮似橙而金色故人重之愛其香氣京輦豪貴家釘盤筵憐其遠方異果肉甚厚白如蘿蔔南中女工競取其肉雕鏤花鳥浸之蜂蜜點以燕脂擅其妙巧亦不讓湘中人鏤木瓜也

### 益智

十三國春秋曰安帝元年盧修為廣州刺史修遺劉裕益智粽裕乃答以續命湯

顏徽廣州記曰益智葉如荈荷莖如竹箭子從心中出一

枝有十子子肉白滑四破去之取外皮蜜煮如柰子味  
甘

周景王廬山記曰山果有益智蒲萄

廣志曰益智葉似菱荷長丈余其根上有小枝高八九寸  
無葉萼其子聚生之如棗中辦黑皮白核小者曰益智  
含之隅涎瀝出壽方亦生交趾

南方草物狀曰益智如棗長七八分二月華五月六月熟  
味辛中芬香出交趾合浦

陳祁暢異物志曰益智類箠莖長寸許如枳粗子味辛刺  
史飲酒食之佳

惠遠法師荅廬循書曰損餉深抱情至益智乃是一方異

味即於僧中行之

楠子

廣志曰楠子似木瓜樹本

南方草物狀曰楠子木如雞卵三月花八月九月熟味酸  
或蜜藏滋甜美出交趾

劉欣期交州記曰如桃

陳祁暢異物志曰馨子之樹枝葉四布名同種異味實甜  
酢果而無核裏白如素柝酒止醒更為遺賂

榘

毛詩奉車麟晨風曰隰有樹榘

陸機毛詩疏義曰樹榘一名赤羅一名山梨今人謂之楊



椹樹其實如梨但實甘小異耳一名鹿梨一名鼠梨齊郡  
廣縣堯山魯國河內共北中有今人亦種之極有美者亦  
梨之脆美者

爾雅曰椹羅也

廣志曰陽椹子似梨大如杏可食

晉官閣名曰華林園楊椹二株

太平御覽卷第九百七十二

太平御覽卷第九百七十三

果部十

龍眼

榲櫨

餘甘

蒟子

木瓜

劉

欒

杜梨

榎棗

榛

抽

椹

椹

龍眼

廣雅曰益智龍眼也

謝承后漢書曰交趾七都獻龍眼

廣志曰龍眼樹葉似荔支蔓延緣木生子大如酸棗色異

純甘無酸

朱岸傳曰果有龍眼

交州記曰龍眼樹高五六丈似荔枝而小

廣州記曰龍眼子似荔枝七月熟

吳氏本草曰龍眼一名北目

嶺表錄異曰龍眼之樹如荔枝葉小殼青黃色形圓如彈丸六核如木槌子而不堅肉白帶漿其甘如蜜一朶恒三二十顆荔枝方過龍眼即熟南人謂之荔枝奴以其常隨後也左思蜀都賦曰傍挺龍眼側生荔枝

榼櫨

齊書曰武帝幸丹陽郡宴飲鄧搆恃舅酒后狎侮同列時

王敬則執榼櫨以力子削之謂曰此非元徽頭何事自喫廣志曰榼櫨其子甚酢出西方

餘甘

吳錄地理志曰高涼安寧縣有餘甘初食之味苦后口中更甘

臨海異物志曰餘甘子如梭形出晉安侯官界中餘甘橄同一果耳

雲南記曰瀘水南岸有餘甘子樹子如彈丸許色微黃味酸苦核有五棱其樹枝如栢枝葉如小夜合葉

陳祚暢異物志曰餘甘大小似彈丸大視之理如定陶瓜片初入口如苦忽咽中中乃更甜美鹽而蒸之尤美可多



食之

朱崖故事曰朱崖果有餘甘

左思吳都賦曰其果則丹橘餘甘荔支之林

药子

漢書曰番禺令唐蒙風曉南粵七七食蒙蜀枸櫞醬注曰

枸音矩枸樹也如桑椹其長三二寸酢取其實以為醬

廣志曰蒟子蔓生依樹子似桑椹長數寸色黑辛如薑以

鹽淹之下氣消食

左思蜀都賦曰筇杖傳節於大夏之邑蒟醬流味於番禺

之鄉

木瓜

爾雅曰楸木瓜

周禮冬官下弓人戠曰取幹之道木瓜次果桑

毛詩衛澳淇木瓜曰投我以木瓜報之以瓊琚

三國典畧曰齊孝昭北伐庫莫奚至其地以木瓜灰毒魚

魚皆死而浮出庫莫奚竊相謂曰池有靈魚犯之不祥乃

出長城北道齊分兵追擊獲牛羊七萬遂振旅而返

水經曰魚腹縣地多木瓜樹有子大如丸白黃實甚苦香

爾雅之所謂楸也

盛弘之荊州記曰魚腹縣有固樹陵村地多木瓜樹其子

大者如丸

晉宮閣名曰華林園有木瓜五株

廣志曰木瓜子可藏長一尺百二十節

吳氏本草曰木瓜生夷陵

虎丘山疏曰三面山悉木瓜

何承天木賦曰惟茲木之在林亦超類而獨劭方朝華而繁實比沙棠而有曜

劉

爾雅曰劉劉杙也

吳錄地理志曰交趾羸倭縣有劉子樹出山中實如梨而味酸美郡內皆有之

南方草物狀曰劉三月華七月八月熟其色黃其味酢出交趾武平與古九真

吳都賦曰椹劉禦霜

鬱

周書曰夏食鬱棣也

毛詩幽七月曰六月食鬱

詩義疏曰其樹高五六尺其實大如李色赤食之甘

魏王花木志曰鬱樹高五六尺其實大如李赤色食之甘

廣雅曰一名李也又名車下李又有郁李亦名棣亦名與

李子毛詩七月食鬱及與即郁李也一名棣也

呂氏本草曰郁李一名雀李一名車下李一名棣

晉宮閣名曰華林園有李一株

司馬相如上林賦曰隱夫鬱李合逮離支



潘岳閑居賦曰梅杏萸棗之屬

曹毗魏都賦曰若榴郁棗

杜梨

爾雅曰杜甘棠

山海經曰岷山其木多棠

韓詩外傳曰邵伯在朝所司請召民邵伯曰不勞一身而勞百姓此非文王之志也於是廬於棠樹之下百姓大悅詩人見而歌焉

毛詩鵲巢甘棠曰蔽芾甘棠勿剪勿伐邵伯所茇

毛詩蟋蟀杜杖曰有杖之杜生于道周

陸氏毛詩疏義曰杖杜杜赤棠也與白棠同但有赤白

惡子白色者為白棠白棠甘棠也多酸美滑赤棠于澁而酢者也俗語流如杜是也木理亦赤可以作弓牙  
孫楚杖杜賦序曰家弟以虞氏梨賦見示余謂豈以梨有用之為貴杜無用之為賤故賦之

榿棗

晉宮閣名曰華林園榿棗四株

廣志曰榿棗味如柿晉陽榿肌細而厚以供御

范子計然曰榿棗出漢中郡

崔豹古今注曰榿棗葉如柿實似柿而小味甘美

司馬相如子虛賦曰櫨梨棗實櫨棗也橘柚芬芳

左思蜀都賦曰林檎枇杷橙柿棗棗

榛

毛詩邱栢舟簡弓曰山有榛阻有苓

陸機毛詩疏義曰山有榛枝葉似栗樹子似橡子味似栗枝莖可以為燭

毛詩鄘栢舟定之方中曰樹之榛栗椅桐紫漆

詩義疏曰榛栗屬有兩種其一種之皮葉皆如栗其子小形似杼子味亦如栗所謂樹之榛栗者也其一種枝莖如木蓼生高丈余作胡桃味遼代上黨皆饒

周禮天官下籩人戠曰饋食之籩其實榛

禮記曲禮下曰婦人之贄棋榛棗栗

說文曰榛似梓實如小栗

山海經曰上申之山下多榛楛

任昉述異記曰漢末楊氏家園中產神榛二株

張衡七辨曰寒梨乾榛

柚

爾雅曰柚條也

尚書禹貢曰揚州厥苞橘柚

周書曰飲食橘柚

毛詩秦車麟曰終南何有有條有梅

孔子曰吳越之間有木焉其名柚碧樹而冬青實丹而味酸度淮北而化為枳焉

莊子曰三王五帝之禮義法度辟猶祖梨柚橘其味相反



而皆適於口

淮南子曰天之所覆地之所載皆生於一父母故槐榆與橘柚合而為兄弟

呂氏春秋曰果之美者雲夢之柚

山海經曰洞庭之山綸山銅山賈超之山其木多柚郭氏注曰

柚似商而大

鹽鐵論御史曰孝武皇帝平百越以為園圃臣庶皆厭橘柚

崔寔政論曰橘柚之貢堯舜所不常御

裴淵廣州記曰別有柚號為雷柚實大如升

廣志曰成都有柚大如升

博物志曰橘柚類多豫章郡出真者

風土記曰柚大橘也赤黃酢也

神異記曰東方見春山外多柚

異苑曰南康歸美山石城內有甘橘柚

楚辭曰斬伐橘柚列樹苦桃

楚辭曰雜橘柚以為圃分列辛夷與椒櫝

司馬相如子虛賦曰橘柚芬芳

古詩曰橘柚垂華實乃在深山側聞君好我甘獨自竊雕

飾

楊雄揚州牧箴曰彭蠡既渚陽鳥攸居橘柚羽具瑤琨篠

簞

崔琦七蠲曰于期江畢寔產橘柚紫葉玄實綠裏朱莖  
郭璞讚曰屈生嘉歎以為美談

椹

尔雅曰櫨椹也

椹

音  
毛詩駟頌泮宮曰翩彼飛鴉集于泮林食我桑椹懷我好

後漢書曰獻帝時三輔大飢九月桑復生椹人得以食  
魏略曰楊沛為新鄭長課民益畜乾椹會太祖西迎天子  
無糧食沛進乾椹及太祖輔政遷為鄴令賜其生口十人  
絹百疋欲以勵之報乾椹也

魏書曰袁紹在河北軍人仰棗椹

卓頻秦書曰慕容垂圍鄴百姓不得復田民以桑椹為糧  
相噉畧盡

晉書載記曰符登攻姚萇萇據武都相持累載未有勝負  
登軍中大飢收椹以供兵

後魏書曰崔暹自燕奔魏尋除御史太祖攻中山乏糧問群  
臣取食之方暹曰取椹可以助糧太祖雖御侮慢兵須食  
乃聽人取椹

北史曰後周趙肅為齊州別駕有廡能名其東隣有桑椹  
落其家就遣人悉拾歸其主戒諸子曰吾非以此求名意  
者非機杼物不願侵人汝等宜以為誡



余樓子曰秦王遣徐福求桑椹于碧海之中海中止有扶桑樹長數千丈樹兩根同生更相依倚是名為扶桑仙人食其椹而體作金光飛騰玄宮也

漢武內傳曰神仙上藥有扶桑丹椹

汝南仙賢傳曰蔡君仲孝養老母時赤眉亂君仲收桑椹

赤黑異器賊問之答黑者與母赤者自食賊嘉之與益二

升

世說曰張天錫為孝武所器每入言話無不竟日頗有嫉

之者孝武於坐上問張曰北方何物可貴張荅曰桑椹香

鷓鴣鶻革響醇酪養性人無嫉心

世說曰有王甲從北方來詣謝公問北方何果最勝甲云

桑椹最好謝公問以北方江東何果甲云是黃甘之流

公曰君何乃尔妄語甲耻受妄語之名恐宰相所貴乃

買駿馬候熟時取數十枚返以奉公公食之以為美乃

謂甲曰此味乃江東所無而君近比黃甘於是引甲為賓

客

十州記曰有椹樹長數千丈名為扶桑芝仙人食其椹而

體作金色飛翔玄宮其樹雖大其葉則小故如中夏之桑

椹也但椹稀而赤九千歲一生實耳

楊銜之洛陽伽藍記曰願會寺中書侍郎王翊拾宅所立

也佛堂前生桑樹一株直上五尺枝條橫逸柯葉傍布形

如羽蓋復高五尺凡為五重每一重葉椹各異京師道俗

太平御覽卷第九百七十三終  
謂之神桑觀者成市布施者衆帝聞而惡之少爲或衆命  
給事黃門侍郎元紀伐殺之其日雲霧晦冥下斧之處流  
血至地見者莫不悲泣

東方朔神異曰東方有樹高八十丈敷張自輔葉長一丈  
廣六七尺名曰桑上椹長三尺五寸其圍如數

異苑曰漢興平元年九月桑再椹時劉玄德軍小沛年  
荒穀貴士衆皆飢仰以爲糧

又曰北方有白桑椹長數寸食之甘美

五行記曰晉武太元中太原王戎爲鬱林太守泊船  
新亭眠夢一人以枚椹與之着衣禁中旣悟得椹如夢  
中

傅休奕桑椹賦曰繁實離離含甘吐液翠米三變或玄或  
白嘉味殊滋食之無斃



太平御覽卷第九百七十四

果部十一

枳椇

榑

蒟

威木

榲木

椈

稔

楊桃

楊榘

冬熟

猴鬪

關桃

土翁

狗槽

鷄橘

猴惣

多南

王垓

三廉

鬼目

井蔗

井藟

燕蕒

蔗薑

枳椇

毛詩嘉魚南山有臺曰南山有枸北山有梗

又詩疏曰枳枸樹高大如白楊所在皆有子着支端支柯

不直啾之其美如飴八九月熟江南特美今官園種之謂

之木蜜能令酒味薄若以為屋柱則一室酒可薄

禮記曲禮下曰婦人之贄榘榛脯修

廣志曰枳椇葉似柳子似珊瑚其如味蜜十一月熟樹乾

者益美出南方大如指頭

崔豹古今注曰枳椇子一名樹密一名木錫實形拳曲核

在實外味甜美如錫密一名白石一名木石一名枳椇也

椇

薛瑩外荆枳以南異志曰椇丁樹產山中實似梨冬熟味

酸丹陽諸郡有之

蒟音  
蒟

異物志曰蒟草樹果如枏櫚而小三月採其葉細破乾之

味近苦并其鷄舌香食之益善也

顧徽廣州記曰山檳榔大於大蒟子蒟子土人亦呼為檳榔

左思吳都賦曰藿蒟豆蔻

木威

顧徽廣州記曰餘其甘蔗木威黃皮其味殊苦

顧徽廣州記曰木威高丈餘子如橄欖而堅削去皮以為

棗

椇木



吳錄地理志曰廬陵南郡零都縣有楝樹其實如芋蕉而核味亦如之

杙音求

爾雅曰杙槩謂也梅槩也郭璞注曰杙樹似梅子如指頭可食赤色似小棗也

杙

爾雅曰杙音棗音速

山海經曰庭之上山多杙木

曹毗魏都賦曰果則谷杙山楸音

楊桃

臨海異物志曰楊桃似南方橄欖子其味甜常五月十月熟諺言楊桃無蹇一歲三熟其色青黃核如棗核

臨海異物志曰楊桃子生晉安候官縣一小樹得數十石實大三寸可蜜藏之

庾仲初楊都賦曰楊桃枇杷

楊槿

臨海異物志曰楊槿有七脊子雖異味則無奇長四五寸色青黃味甘也

冬熟

臨海異物志曰冬熟如指大色赤其味甘勝梅

候闐

臨海異物志曰候闐子如指頭大其味苦可食

閔桃

臨海異物志曰閔桃子其味酸

土翁

臨海異物志曰土翁子如漆子大熟時甜酸其色青黑

枸槽

臨海異物志曰枸槽子如指頭大正赤其味平

鷄橘

臨海異物志曰雞橘子如指頭大味甘永寧南界中有之

猴惣

臨海異物志曰猴惣子如指頭大與柿相似其味不減於

柿

多南

臨海異物志曰多南子如指頭大其色紫甘與梅子相似

晉安侯官界中有之

臨海異物志曰王垓子如棗大其味甘晉安侯官越王祭

王垓

垓邊有此果無知其名因見生處遂名王垓其形小於龍眼有似木瓜七月熟其美也

王彪之閩中賦曰王垓侯栗

楊都賦曰草則龍目荔枝土垓丹橘

三廉出熙安縣雲州見南越志

陳初暢異物志曰三廉大實不但三雖名三廉或食之多有四五六枝汁味酸且其藏之尤好與眾果相參



鬼目

爾雅曰符鬼目

廣志曰鬼目似梅人以飲酒

南方草木狀曰鬼目狀樹大者如木子小者如鷄子二月花色仍連着實七月八月熟其色黃其味酸以蜜煮之滋味柔嘉交趾武平興古九真有之

裴淵廣州記曰鬼目益智直尔不敢噉可為漿也

交州記曰鬼目樹似棠梨葉似楮皮白樹高大如木瓜而小邪傾不周正味酸九月熟又有草昧子亦如之亦可為糝因其草似鬼目

甘蔗

說文曰諸蔗也

漢書禮樂志郊祝歌曰百味甘酒布蘭生恭尊拓葉解朝

醒醴即曰拓葉取  
榨汁以為也

吳錄地理志曰交趾句漏音漏縣甘蔗大數寸其味醇美異於他處笮以為飴曝之疑如水破如博碁入口消什

江表傳曰孫亮使黃門以銀盤并蓋就中藏吏取交州所

獻甘蔗飴黃門先恨藏吏以鼠屎投飴中啓言吏不諱亮

呼吏持飴器入門曰此器既蓋之且有油覆無緣有此也

黃門將有恨汝耶叩頭曰常從臣求官莞蔗有數不敢與

亮曰必是此也問其服即於前加髡鞭斤外付

晉書曰顧愷之每食蔗自尾至本人或問之曰漸入佳境

宋書曰庾仲文好貨劉雍自謂得其取力事之如父夏中  
送甘蔗

又曰元嘉末魏太武征鼓城遣使至小市門致意求甘蔗  
及酒孝武遣人送酒二器及甘蔗百根

齊書曰宜都王鏗善射常以棚的太濶曰終日射侯何難  
之有乃取甘蔗挿地白步射之十發十中

又曰范雲永明十年使魏魏人李彪宣命至雲所甚見稱  
美彪爲設甘蔗黃柅隨盡復益彪笑謂曰范散騎小驗  
之一盡不能復得

梁書曰庾沙彌性至孝劉母亡好噉甘蔗沙彌遂不食焉  
三國典畧曰陸納反湘州分其衆二十人夜襲巴陵晨至

城下宜豐侯修出壘門坐胡床以整之納衆乘水來攻矢  
下如雨修方食甘蔗曾無惧色部分軍旅鼓而進之遂獲  
其一艦生擒六十人納遂歸保長沙

又曰侯景至朱雀街南建康令庾信守朱雀門俄而景至  
信衆撒術始除一舶見景軍背着鐵面退隱于門自言曰  
燥屢求甘蔗俄而飛箭中其門柱信手中甘蔗悉弦而落  
隋書曰赤土國物產多同於交趾以甘蔗作酒雜以紫瓜  
根酒色黃赤味亦香美

永嘉郡記曰樂城縣三州府江有三洲因以爲名對岸有  
浦名爲菰子出好甘蔗

盧諶祭法曰冬祀用甘蔗



范汪祠制曰孟冬祀用甘蔗

扶南傳曰安息國出甘蔗

廣志曰甘蔗其錫為石蜜

雲南記曰唐高齊休聘雲南會川都督劉寬使使致甘蔗

上節希似竹許削去后亦有甜味

神異經曰南方荒內肝睹林其高百丈圍三丈從節多汁

甜如蜜

異物志曰甘蔗遠近皆有交趾所產特醇好本末無薄厚

其味甘圍數寸長丈餘頗似竹斷而食之既甘生取汁為

飴錫益珍煎而暴之凝如冰

甄異傳曰隆安中吳縣張牧字君林忽有鬼來無他須臾

唯欲噉甘蔗自稱高褐主人呼為阿褐牧婦見之是小女

面青黑色通身青衣

魏文帝典論曰嘗與平虜將軍劉勳奮威鄧展等共飲宿

聞展有手臂曉三兵余與論斂酒酣耳熱方食甘蔗便以

為杖下毀數交二中其臂

表子正書曰歲比不登凡不給之物若甘蔗之屬皆可

權禁

楚詞曰騰奴到鼈炮羔有柘漿

司馬相如子戲賦曰諸柘巴菹

張協都蔗賦曰若乃九秋良朝玄酎初出觴浮花黃酒飲

累白挫斯柘而療渴若漱醴而含蜜清津滋於紫梨流液

豐於朱橘

曹植詩曰都蔗雖其杖之必折巧言雖美用之必滅

張載詩曰江南郡蔗釀液漉沛三巴黃耳瓜州素棹凡此數品殊美絕配渴者所思銘之裳帶

李伯仁七款曰副以其柘豐弘誕節織液王津旨於飴密虞翻與弟書曰有數頭男皆知奴僕伯安雖癡諸兒不及觀我所生有兒無子伯安三男阿思似父思其兩弟有似人也去日南遠恐如其蔗近抄即薄

應璩與尚書諸郎書曰檀氏園葵采繁茂諸蔗瓜芋亦离尚萌未知三生復何種植

馮植竹杖銘曰杖必取材不必用味相必取賢不必所愛

都蔗雖甘猶不可杖佞人悅已亦不可相

齊方草物狀曰甘蔗民家常以二月種之至十月乃成如大者如鵝小者如鴨掘食其味甜經久得風乃淡泊耳出交趾武平九真與古

陳暢祁異物志曰甘蔗似芋亦有巨魁剥去皮肌肉正白如南方人專食之以當米穀蒸炙皆香美賓客酒食亦施設有如果實也

燕蕒

毛詩豳七月曰六月食鬱及蕒

毛詩題綱曰葛藟一名燕蕒藤好生河許邊得水潤而長喻王九族蒙王恩惠以育子孫今王無澤於族人不如葛



藟生河澨是也

廣雅曰燕蕒似梨早熟

廣志曰燕蕒似梨早熟

魏王花木志曰燕蕒實如龍眼黑色說文謂之嬰蕒詩疏  
一名車鞅藤函詩十月食蕒及此名燕蕒

潘岳閑居賦曰梅香蕒樣之屬繁榮藻麗之節

曹毗魏都賦曰英梅楊李若榴郁樣

廉薑

廣雅曰蒺蔞相維切蕒也

湘州記曰始安縣空龍山精了山出蕒薑

食經曰廉薑法蜜煮烏梅去滓廉薑再三宿色黃赤如琥

珀

劉楨清慮賦曰仰稱木韭俯稜廉薑

太平御覽卷第九百七十四

太平御覽卷第九百七十五

果部十二

甘蕉

扶留

芋

菱

茨

蓮

藕

甘蕉

晉宮閣名曰華林園芭蕉二株

南夷志曰南詔土無食器以芭蕉葉藉之

唐志曰芭蕉類或曰甘蕉莖如何芋重皮相裹大如盂升

葉廣二尺長一丈子有角子長六七寸或三四寸生為行

列兩兩共對若相抱形剝其上皮色黃白味似葡萄甜而



飽人其根大如芋魁一石青色其莖解散如絲織以為葛  
謂之蕉葛雖脆而好色黃白不如葛色出交趾建安

南州異物志曰甘蕉草類望之如樹株大者一圍餘葉長  
一丈或七八尺廣尺余二尺許花大如酒杯形色如芙蓉  
著莖末白餘子大名為房根似芋塊大者如車轂實隨華  
每華一闔各有六子先後相次子不俱生花不俱落此葉  
有三種一種子大柁指長而銳有似羊角名羊角蕉味最  
甘好一種子大如鷄卵有似牛乳味微或羊角蕉一種大  
如藕子長六七寸形正方少甘味最弱其莖如芋取以灰  
練之可以紡績

異物志曰芭蕉葉大如筵席其莖如芋取鑊煮之為絲可

紡績又功以為締絡今交趾葛也其內心如菰鴨頭生大  
如合梓因為實房一房有數十枚有實皮赤如火剖之中  
黑剝其皮食其肉如密甚美食之四五枚可飽而餘滋味  
猶在齒牙一名甘蕉

顧徽廣州記曰甘蕉與吳花實根葉不異真是南土暖不  
經霜凍四時花葉展其熟其未熟亦苦澁也

南方草物狀曰蕉樹子房相連累甜美亦可蜜藏

遊名山志曰赤巖山水石之間有甘蕉林高者十丈  
卞敬宗甘蕉讚曰扶踈似樹質則非木

### 扶留

吳錄地理志曰始興有扶留藤木緣而生味辛可以食櫛

椰

蜀記曰扶留木根大如 視之似柳根又有蛤名古賁生水中取燒為灰曰牡厲粉先以檳榔著口中又以扶留長寸古賁灰少許同嚼之除胃中惡氣

異物志曰古賁灰牡厲灰也與扶留檳榔三物合食而後善也扶留藤似木防已扶留檳榔所生相去遠為物甚異而相成俗曰檳榔扶留可以忘憂

交州記曰扶留有三種一名獲扶留其根香美一名南扶留葉青味辛一名扶留藤味亦辛

廣志曰扶留藤綠樹生其花實即蒟也可為醬

左思吳都賦曰石忱水松東風扶留

芋

說文曰齊人謂芋為苧

孝經援神記曰仲冬昴星中叔苧芋

廣雅曰藉如水芋也亦曰烏芋

漢書曰汝南郡有鴻隙大陂翟方進為丞相奏破之郡中

追怨童謠曰壞坡誰翟子威飯我豆美食芋魁

漢書曰秦破趙遷卓氏曰吾聞岷山之沃野下有蹲鴻鴻

也芋至死不飢乃永遠遷攻之臨邛至僅百人

崔鴻十六國春秋蜀錄曰季雄剋成都眾甚飢餒乃將民就穀於鄴掘野芋而食之

南史孝義傳曰鮮于文宗漁陽人年七歲喪父父以種芋



時亡至明年芋時對芋嗚咽如此終身

汜勝之書曰區種芋法區枝三石

汝南先賢傳曰袁安字召公除陰平長時年飢荒民皆菜食租不入畢安聽使輸芋曰百姓饑困長何得食穀先自引芋吏皆從之

汝南先賢傳曰薛苞歸先人家側種稻芋稻以祭祀芋以充飢耽道說禮玄虛無爲

列仙傳曰酒客爲梁承使民益種芋三年當大飢卒如其言梁民不死

風土記曰博士芋蔓生根如鷄鴨卵

華陽國志曰何隨字季業蜀郫人母亡歸送吏饑輒取道

側民芋隨以帛繫其處使足所取直民相語曰聞何安漢清民取糧令爲之償

博物志曰野芋食之殺人家芋種之三年不收後旅生亦不可食

廣志曰凡十四芋有君芋大如魁有車轂芋有旁已芋有青邊芋此四芋魁大如餅小子葉如織蓋細色紫莖長丈餘易熟長味芋之最善者也莖可作羹臠有蔓芋綠支生大者二三升有鷄子芋色黃有白果芋畝收百斛有卑芋七月熟有九面芋大小莖有蒙控芋有青芋有曹芋子皆不可食莖可爲菹又有百子芋出葉榆縣有魁芋無旁子生永昌

本草經曰芋土芝八月採  
左思蜀都賦曰瓜疇芋區

菱

爾雅曰菱薺櫟今水中

尚書大傳曰鉅鹿菱鉅野大野也

周書曰冬食菱藕

周禮天官甸人職曰加籩之實菱

國語曰屈到嗜菱有疾屈到楚鄉曰祭

我必以菱及祥宗老將薦菱建屈到之子曰夫

子不以私欲干國之典也

漢書循吏傳曰龔遂為渤海太守勸民秋冬益畜果實菱

芡

謝承後漢書曰袁閔父賀為彭城相亡閔到郡迎喪飢食

菱芡渴飲行潦

梁書曰魚弘為湘東王鎮西馬司迷職西上道中乏食緣

路採菱作飯給所部弘度所後人覓一菱不得又於窮洲

之上捕得獼猴數百為脯以供酒食

淮南子曰楚靈王作章華之臺棄疾承民之怨而立公子

比百姓避而去之乃食菱飲水枕塊而死

呂氏春秋曰厲叔事莒閔公自以為下知而去居於海上

夏日則食菱芡冬日則餐橡栗

杜恕篤論曰夫萍之浮與菱之浮相似也菱植根萍隨波



是以堯舜歎巧言之亂德仲尼惡紫之奪朱

風俗通曰殿堂象東井形刻荷菱水物所以厭火也

羅浮山記曰綏寧縣元龜淵中出菱甚為其旨

廣志曰鉅野大菱大於常菱淮漢以南荒年以菱為蔬

范汪祠祭曰孟秋之祭菱芡

楚辭曰制芰荷以為衣兮集芙蓉以為裳

左思蜀都賦曰其沃瀛則有綠菱紅蓮

潘岳西征賦曰鳧躍漸唼喙菱芡

郭璞江賦曰忽忘夕而宵歸詠採菱以叩舷

曹植九愁曰採菱華而結辭

孫楚論屈建文曰加籩之品菱芡存焉楚多陂塘菱所

父自嗜之而抑按率祝既毀就養無方之禮又失奉死如  
生之義奪平素欲建何忍焉

芡

周禮天官甸人職曰加籩之實芡

漢書曰龔遂為渤海太守勸民冬益畜果實菱芡

淮南子曰狸頭愈鼠雞頭已瘦鼠齧人瘡狸愈之瘦頭腫

鴈頭亦愈瘻

崔豹古今注曰芡雞頭也一名鴈頭一名芡葉似荷而大

葉上蹙衄如沸實有芒刺其裏如珠可以療飢止渴

方言曰菝音雞頭也比燕謂之菝清徐淮泗之間謂之芡

說文曰芡雞頭也

廣雅曰南楚江湖之間謂之鷓頭或謂之鴈頭  
本草經曰雞頭一鴈實生雷澤

劉駒駱玄根賦曰芳林臻臻宋竹離七菱茨吐榮若攄錦  
而布繡

蓮

爾雅曰荷芙蕖其實蓮蓮謂房也其中的蓮中的中薏中心苦也

毛詩陳宛丘澤陂曰彼澤之陂有蒲與蓮有美一人食大  
已卷

史記曰龜千歲遊於蓮葉之上焉

吳時外國志曰大秦國有蓮藕雜果

宋起居注曰元嘉十八年有司奏揚州刺史王潛解補州

治後池有兩蓮駢生雙房分體又十六年華林有雙蓮同  
幹秀出華池

宋起居注曰太史二年八月嘉蓮雙葩並實合跗同莖生  
豫州鯉湖又六年雙蓮一帶生東宮玄浦池

三國典畧曰齊王還鄴高麗新羅并遣使朝貢先是徐州  
蓮二莖兩蒂占云異水連枝遠人入欵斯其應也

中齊書曰後主武平中待進侍中崔季舒宅中池內蓮莖  
皆作胡人面仍着鮮卑帽俄而季舒見殺

三國典畧曰周平齊齊幼主胡太后等並歸於長安初武  
成殂後有謠云千錢置果園中有芙蓉樹破券不分明蓮  
子隨他去調甚悲苦至是應焉



又曰高緯所幸馮淑妃名小蓮也

後唐書監軍張承業本朝舊人權貴任事人士脅肩低首  
候之唯馬郁以滑稽侮狎每賓僚宴集承業出異方珍果  
陳列於前客無敢先嘗者當郁前者食必盡承業私戒主  
膳者曰他日馬監至惟以乾蓮子置前而已郁至窺之知  
其不可啖異日鞞中置鐵鎚出以擊之承業大咲曰為公  
易饌勿敗予按

夏侯孝芙蓉賦曰綠房翠葉紫飾紅敷黃螺圓出垂徙散  
鬚纓以金牙點以素珠

孫楚蓮華賦曰攢聚星列織離相扶微若玄黎投幽夜粲  
若鄧林飛鸞騶

樂府歌曰江南可採蓮七葉何田田

藕

爾雅曰荷芙蓉其根藕

吳時外國志曰大秦國有蓮藕雜果

齊書曰永明中巴東王子嚮殺行事劉夤等武帝聞之謂  
群臣曰子嚮遂反戴僧靜大言曰諸王應自反豈唯巴東  
武帝問其故荅曰天王無罪而一時彼困一挺藕一盃漿  
皆謫箴師不在則竟日忍渴

唐史曰蘇州進藕其最上者名傷藕或云荷名或云葉甘  
為蟲所傷或云故傷其葉以長其根近多重臺荷蓋蓮實  
中又生花亦甚異也

司馬相如子虛賦曰咀嚼芬藕

夏侯孝芙蓉賦曰咀菱藕於玄泉

謝朓詩曰秋藕折輕絲

太平御覽卷第九百七十五終



